



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

PROGRAM TOLERANSI SIFAR KEGANASAN @ADVOKASI ANTIGANGGUAN SEKSUAL MEMPERGIAT KESEDARAN DALAM KALANGAN MAHASISWA

KAJANG, 17 OKTOBER- Kementerian Pembangunan Wanita, Keluarga dan Masyarakat (KPWKM) melalui Jabatan Pembangunan Wanita (JPW) terus mempergiat usaha dalam memberi kesedaran mengenai gangguan seksual kepada mahasiswa di seluruh negara dengan penganjuran program Toleransi Sifar Keganasan @Advokasi Antigangguan Seksual KPWKM Tahun 2024.

Majlis perasmian telah disempurnakan oleh YB Dato' Sri Hajah Nancy Shukri, Menteri Pembangunan Wanita, Keluarga dan Masyarakat yang berlangsung di Dewan Seri Sarjana, Universiti Tenaga Nasional (UNITEN) yang merupakan lokasi pertama penganjuran program ini.

Antara pengisian program ini ialah ceramah Advokasi Antigangguan Seksual oleh Jabatan Pembangunan Wanita (JPW), Kenali Tribunal Antigangguan Seksual oleh Tribunal bagi Antigangguan Seksual (TAGS), ceramah Jauhi Buli Siber oleh *Cybersecurity* Malaysia dan Sesi *Townhall* bersama YB Menteri Pembangunan Wanita, Keluarga dan Masyarakat. Program dihadiri oleh seramai 1500 orang pelajar UNITEN dan IPTA berdekatan.

Program ini diadakan bertujuan untuk memberi pendedahan dan pengetahuan kepada masyarakat mengenai gangguan seksual, menyebarkan pemakaian garis panduan dan notis antigangguan seksual kepada semua lapisan masyarakat, selain menyampaikan maklumat bantuan dan perkhidmatan psikososial yang disediakan oleh KPWKM terutama untuk menangani gangguan

seksual. Dalam konteks penganjuran di universiti awam seperti UNITEN ianya bagi menjalinkan kolaborasi strategik dengan semua pihak untuk meningkatkan pencegahan dan kesedaran antigangguan seksual terutamanya di kalangan mahasiswa.

Berdasarkan statistik yang dilaporkan oleh Polis Diraja Malaysia (PDRM), jumlah kes gangguan seksual yang dilaporkan pada tahun 2022 adalah sebanyak 422 kes dan 460 kes pada tahun 2023. Sehingga bulan Ogos 2024 sebanyak 442 kes telah dilaporkan.

Pemeriksaan wanita merupakan satu usaha untuk mencapai kesejahteraan wanita dan kesaksamaan gender melalui program pembangunan kapasiti seperti penganjuran Program Antigangguan Seksual (AGS), selain penyediaan pelbagai khidmat sokongan oleh jabatan dan agensi di bawah KPWKM. Program AGS juga merupakan antara manifestasi penting dalam pelaksanaan dasar bagi menunjukkan keprihatinan dan usaha serius kerajaan dalam menangani isu gangguan seksual yang merupakan satu pelanggaran kepada hak asasi manusia.

Turut hadir pada majlis ialah YBrs Professor Insinyur Dr. Khairul Salleh Mohamed Sahari, Naib Canselor Universiti Tenaga Nasional (UNITEN), YBrs. Puan Hanani binti Sapit, Ketua Pengarah Jabatan Pembangunan Wanita (JPW) dan pegawai-pegawai kanan jabatan dan agensi Kementerian.

###

**UNIT KOMUNIKASI KORPORAT
KEMENTERIAN PEMBANGUNAN WANITA, KELUARGA DAN MASYARAKAT
17 OKTOBER 2024**